



Broj: 04- 30-1419-3/23
Goražde, 06.07.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 34/03 i 65/13), člana 22. stav 5. Zakona o državnoj službi Bosansko-podrinjskog kantona Goražde („službene novine Bosansko-podrinjskog kantona Goražde“ broj: 3/18) i Odluka Vlade Bosansko-podrinjskog kantona Goražde broj: 03-30-53/20 od 20.01.2020 godine i broj: 03-30-547/22 od 31.03.2022 godine, Ministarstvo za privredu Bosansko-podrinjskog kantona Goražde objavljuje:

JAVNI OGLAS
za izbor i imenovanje Direktora Kantonalne uprave za šumarstvo Bosansko-podrinjskog kantona Goražde

Oglašavanje upražnjene pozicije:

Rukovodilac – Direktor uprave rukovodi Upravom i s tim u vezi neposredno vrši najsloženije poslove iz nadležnosti Uprave i to: priprema plan programa rada uprave i stara se o njegovoj realizaciji, učestvuje u izradi zakona i drugih propisa iz ove oblasti, priprema strateške i planske dokumente iz djelokruga Uprave, provodi politiku i s tim u vezi utvrđuje stanje u oblasti šumarstva u Kantonu, te poduzima mjere na spriječavanju nastanka štetnih posljedica, odnosno radnje i postupke na otklanjanju štetnih posledica, organizuje i rukovodi aktivnostima na praćenju primjene jedinstvenih cijena šumskih proizvoda, upoznaje javnost sa stanjem šuma i učestvuje u izdavanju odgovarajuće stručne publikacije o stanju šuma i njihovom značaju, organizuje i rukovodi aktivnostima izrade i davanja mišljenja na šumsko-gospodarske osnove, odgovoran je za blagovremeno i tačno dostavljanje obračuna plaća zaposlenih u Kantonalnoj upravi za šumarstvo, organizira, planira i rukovodi izvršavanje složenih poslova i zadataka Kantonalne uprave za šumarstvo, prati zakone i primjenu zakonskih propisa iz oblasti šumarstva i drugih propisa i akata koji se odnose ili dotiču oblasti šumarstva, kao i zakone i opće akte organa uprave, odgovoran je za primjenu zakonskih i pod zakonskih propisa iz oblasti šumarstva i drugih zakonskih propisa iz djelokruga rada, obezbijeduje kontrolu utroška finansijskih sredstava namjenskog fonda i namjenskih finansijskih sredstava planiranih u Budžetu Kantona za oblast šumarstva, organizuje i rukovodi izradom i aktivno učestvuje u izradi šumsko-razvojnog plana Kantona i podnosi ga kantonalnom ministarstvu, organizuje i rukovodi aktivnostima na praćenju realizacije programa integralne zaštite šuma i o tome izvještava resorno ministarstvo Kantona, Federaciju Bosne i Hercegovine i Federalnu upravu za šumarstvo, rukovodi i učestvuje u izradi ugovora u ustupanju zemljišta u državnom vlasništvu i prati izvršenje ugovornih obaveza, organizuje i rukovodi aktivnostima na praćenju i učestvuje u praćenju ekonomskog stanja šumarstva na području Kantona i podatke dostavlja Federalnoj Upravi, organizuje i rukovodi aktivnostima u davanju mišljenja za proglašenje zaštitnih šuma sa posebnom namjenom na način propisan Zakonom, organizuje i rukovodi aktivnostima u izradi planova za izgradnju i održavanje šumskih cesta i zaštitu izvorišta i vodotoka unutar šumskih resursa uz saglasnost nadležnog organa za poslove vodoprivrede, koordinira rad sa Federalnom

Upravom za šumarstvo i Kantonalnim šumarskim upravama drugih kantona, saraduje sa sektorima u resornom ministarstvu Kantona i rukovodiocima organizacionih jedinica, organizuje, rukovodi i učestvuje u izradi periodičnih i godišnjih izvještaja o radu Kantonalne šumarske uprave kao i o stanju šuma i šumskog zemljišta, organizuje, rukovodi i učestvuje u izradi planova rada i finansijskih planova Kantonalne šumarske uprave i iste dostavlja resornom ministarstvu, odgovoran je za blagovremeno dostavljanje svih relevantnih podataka iz oblasti šumarstva resornom ministarstvu Kantona, Federaciji Bosne i Hercegovine i Federalnoj šumarskoj Upravi, organizuje, rukovodi i učestvuje u obavljanju drugih poslova i zadataka koji proizlaze iz Zakona o šumama, obavlja i druge poslove koje mu odredi ministar.

Kandidat za Direktora mora ispunjavati sljedeće opće uslove:

- a) da je državljanin Bosne i Hercegovine,
- b) da je osoba starija od 18 godina,
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- d) da se na njega ne odnosi član IX.1. Ustava Bosne i Hercegovine,
- e) da nije osuđivan za krivično djelo i da se protiv kandidata ne vodi krivični postupak,
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine ("Službene novine Federacije Bosne i Hercegovine", broj: 70/08),
- g) da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,

Pored navedenih općih uslova, kandidat koji se imenuje za poziciju Direktora, mora ispunjavati i posebne uslove:

- a) da ima završen najmanje VII stepen stručne spreme, odnosno visoko obrazovanje I, II ili III ciklusa Bolonjskog sistema studiranja sa najmanje 240 ECTS ostvarenih studijskih bodova šumarske, prirodne, pravne ili ekonomske struke,
- b) da ima najmanje 3 (tri) godine radnog staža,
- c) poznavanje rada na računaru.

Na poziciju Direktora se ne može imenovati kandidat koji je:

- a) stariji od 65 godina na dan imenovanja
- b) osuđivan za krivična djela i za privredne prijestupe nespojive sa dužnošću direktora, 5 (pet) godina od dana pravosnažnosti presude, uključujući i vrijeme zatvorske kazne,
- c) sudskom presudom ili drugom mjerom isključeni ili im je zabranjeno obavljanje aktivnosti u nadležnosti direktora ili poslova upravljanja,
- d) u finansijskom ili privatnom interesu u instituciji u koju se imenuje.

Uz prijavu za izbor i imenovanje kandidati su dužni priložiti slijedeću dokumentaciju (originalni dokumenti ili ovjerene kopije dokumenata):

- kraću biografiju, kontakt telefon i adresu
- uvjerenje o državljanstvu (ne starije od 6 (šest) mjeseci),
- izvod iz matične knjige rođenih,
- dokaz o stručnoj spremi,
- dokaz o radnom stažu,
- dokaz o poznavanju rada na računaru,
- uvjerenje nadležnog Suda da se protiv kandidata ne vodi krivični postupak (ne starije od 3 (tri) mjeseca),
- ovjerenu izjavu da nije otpušten iz državne službe kao rezultat disciplinske mjere na bilo kojem nivou BiH posljednje tri godine,
- ovjerenu izjavu da se na njega ne odnosi član IX.1. Ustava BiH,
- ovjerenu izjavu da nije osuđivan za krivično djelo i da se protiv kandidata ne vodi krivični postupak,
- ovjerenu izjavu da nije izabrani zvaničnik, nositelj izvršnih funkcija ili savjetnik u smislu Zakona o sukobu interesa u organima Vlasti FBiH,(„Službene novine Federacije Bosne i Hercegovine“ broj: 70/08)
- ovjerenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH.

Napomena: kandidat koji bude odabran i imenovan na naprijed navedenu poziciju naknadno će dostaviti dokaz o općoj zdravstvenoj sposobnosti (ljekarsko uvjerenje)

Kandidati koji budu ušli u uži izbor biće pozvani na intervju. Podnosioci prijava koji ne budu pozvani na intervju će dobiti pisane odbijenice. Direktor se imenuje na period od 5 (pet) godina, odnosno najviše 2 (dva) puta uzastopno.

Oglas će biti objavljen u „Službenim novine Federacije BiH“, na web stranici Vlade Bosansko-podrinjskog kantona Goražde i jednom dnevnom listu velikog tiraža.

Oglas ostaje otvoren 15 dana od dana poslednjeg javnog objavljivanja u službenim novinama ili jednom dnevnom listu velikog tiraža.

Prijave sa traženom dokumentacijom treba dostaviti lično ili preporučeno putem pošte na adresu Ministarstvo za privredu Bosansko - podrinjskog kantona Goražde, ul. Maršala Tita br.5, Goražde sa naznakom „prijava na Javni oglas za imenovanje i izbor direktora Kantonalne uprave za šumarstvo Bosansko-podrinjskog kantona Goražde“-ne otvaraj.

Nepotpune i neblagovremene prijave neće se uzeti u razmatranje.

